

Campaña electoral a confirma cu lo tin un coalicion nobo

AWE ta ultimo dia cu partidonan politico por tin un of otro actividad promocional pa di e forma aki nan sinta spera con pueblo di Aruba lo vota pa asina eligi un gobierno nobo.

Compara cu campaña electoral di 2021, e scenario cu tin te cu un dia prome cu eleccion, ta confirma cu partido AVP y MEP lo logra sosten mucho mas amplio cu e otro 9 partidonan cu ta den e proceso aki.

E expectativa mas grandi ta pa partidonan chikito cu a logra cinco asiento den Parlamento na 2021, ta cu si nan lo mantene asientonan logra na 2021 of cuanto di e cinco asientonan aki nan lo perde.

Un aspecto sumamente interesante ta involvi Geoffrey Wever cu a bay eleccion di 2021 cu partido RAIZ caminda el a logra un total di 1430 voto personal y cu awor e tin trata di mantene e cantidadnan di votonan aki pa asina su partido nobo FUTURO lo por logra loke nan ta anhelando den e eleccion aki.

Gerlien Croes mescos cu Geoffrey tambe a bandona su partido cu cual el a drenta politica cu ta AVP y na 2021 el a logra un total di 1919 voto personal pero sin tuma na consideracion cu e ex

partido di Geoffrey cu ta RAIZ na 2021 a logra 5481 voto en total pa por a sigura un asiento y despues ricibi un restzetel, por asumi cu FUTURO ta confrontando un reto cu no ta facil.

Ta un hecho confirma pa tanto Gerlien Croes com Geoffrey Wever cu ambos ta liderando e partido aki pero cu Gerlien como 'lijst-trekker.'

Hunto e dos politiconan aki a logra na 2021 un total di 3349 voto loke ta pone cu pa saca dos asiento den e proceso electoral di mañan, e otro 8 candidatonan lo tin cu produci mas cu 2000 voto personal y kisas esey ainda lo no ta suficiente pa sigura dos asiento cu lo acomoda tanto Gerlien como Geoffrey den Parlamento.

Partido MAS di Marisol Tromp tambe ta para dilanti un reto pa ripiti su resultado di 2021 caminda cu un lista cu solamente 7 candidato, a logra e total di 4681 voto pero di e totalidad aki, Marisol como lider a haya sosten di 4191 votado.

Pa mantene e dos asientonan logra na 2021, partido MAS lo tin cu haya mesun sosten cu Marisol a logra na 2021 mientras cu e otro candidatonan lo tin cu percura pa mil voto adicional pero exito di e partido ta den man di su lider Marisol Tromp.

RAIZ ta confrontando tambe un situacion di incertidumbre mirando cu na 2021 e partido logra un total di 5481 voto cu tabata bon pa un asiento den Parlamento y despues a ricibi un 'restzetel' cu cual a logra di acomoda tanto su lider Ursell Arends kende a ricibi 1939 voto di sosten mientras cu Geoffrey Wever kende a bandona e partido den porta di eleccion, a logra 1430 voto personal.

RAIZ ta confrontando e eleccion di mañan diabierna, e reto grandi di recupera e sosten cu el a perde cu salida di Geoffrey Wever pero aki tambe ta hunta e rol si Wever lo a bay cu e votonan aki pa FUTURO of gran mayoria lo keda pa e partido blanco.

PPA di Otmar Oduber, tambe ta dilanti un reto similar ya cu si tuma na consideracion cu den eleccion di 2021, e partido a logra un total di 1809 voto caminda e lider Lisette Malmberg a logra mayoria di e sosten aki cu 943 voto.

Pas logra un asiento e actual lider Otmar Oduber lo tin cu percura pa su persona mes supera su cantidad cu el a logra na 2017 ora cu el a participa den su ultimo eleccion como lider di POR caminda el a logra un total di 1808 voto personal y e partido a logra un asiento y un restzetel.

Pa logra esaki el a haya ayudo grandi di Andin Bikker e tempo ey como candidato no. 2 kende a logra 1086 voto loke ta muestra cu pa PPA logra un asiento e siman aki, Otmar lo tin cu ripiti su cantidad di voto di 2017 y resto di e partido lo tin cu percura mas cu dos mil voto pa esaki bira posibel.



RED FISH
Quality Seafood Restaurant

HOLIDAY MENU 2024

Opening hours:
11am-10pm
Tue-Sun

APPETIZER
SHRIMP CEVICHE
OYSTER SOUP
FISH CROQUETTES

MAIN COURSE
DEEP FRIED FISH FILET
SHRIMP PASTA ALFREDO
CHICKEN CORDON BLEU
CHICKEN & SHRIMP FRIED RICE

DESSERT
CHOCOLATE CAKE
TRES LECHES

Orange Plaza Mall, Italiestraat 50
For reservations: (297) 2806666
WWW.REDFISHARUBA.COM

Price: AWG 45